

# Scritti di studenti

## Pantoum

*Luc Antoine Carlini*

Tramontana scatinata  
Porti tonu è timpeste  
Soffiu puru di muntagna  
Spassighjehghi pè l'arresti

Porti tonu è timpeste  
Da le cime à la marina  
Spassighjehghi pè l'arresti  
È rinfreschi la vadina

Da le cime à la marina  
Spavinteghji li zitelli  
È rinfreschi la vadina  
È ne incanti li ruscelli

Spavinteghji li zitelli  
D'una voce arrabiata  
È ne incanti li ruscelli  
Tramontana scatinata

